



599-908-918
599-233-390

E-mail: gazetirustavi@gmail.com,
gazetirustavi@mail.ru



გაზეთი
გამოცემის
1948 წლიდან

რუსთავი

31

აგვისტო 2024 წ.

№6
(109758)

ფასი 50 თეთრი

ნიერო ლაცაბიძე, რუსთავის მერი
ჩვენ ყოველთვის ვაფიქსირებთ,
რომ ისტორია არის ის, რაზეც
უნდა დავაუბნოთ ჩვენი მომავალი
და ქალაქის ახალი განვითარება



გზ.-4

**მოსახლეობის თხოვნით
კიდევ ერთი უიდასაუბრო
რეკრეაციული სივრცის
მოწყობა იწყება**



გზ.-2

**რუსთავში მოსახლეობის
ჩართულობით შექმნილი კიდევ
ერთი პროექტი სორსიელდება**



გზ.-3



**რუსთავის
მერია
ჰაბლატ
გონაშვილის
სახელობის
სკვერის
რეაბილი-
ტაციას
იწყებს**

გზ.-3

**რუსთავის მერია გასული საუკუნის
50-იან წლებში აშენებული კულტურის
სახლის სრულ რესტავრაცია-
რეაბილიტაციას გეგმავს**



გზ.-8

**პროექტის ფარგლებში „რუსთავის
კორპუსის“ 44 თანამშრომელი გადაგზავდა**



გზ.-2

რუსთავი: გასული დღეების ქრონიკა

რუსთავის მერია, ქალაქის წყალმომარაგების გაუმჯობესების მიზნით, მიმდინარე მასშტაბური პროექტის მონიტორინგს აგრძელებს

ენიო ლაცაბიძე: - ჩვენ დავპირდით მოსახლეობას და რუსთავის მაჟორიტარ დეპუტატთან, ირაკლი შატაკიშვილთან ერთად, ვაგრძელებთ რუსთავის წყალმომარაგების სისტემის გაუმჯობესების მიზნით მიმდინარე პროექტების მონიტორინგს. ჩვენ ბოლომდე გავაგრძელებთ აქტიურ მონიტორინგს, რომ რუსთავისთვის ეს მნიშვნელოვანი გამოწვევა საბოლოოდ დაძლიოთ.

„ჯივიშიმ“ რუსთავში კიდევ ერთი მსხვილი პროექტი - გაგარინის და მშვიდობის ქუჩების მონაკვეთის რეაბილიტაცია დაასრულა. წყალმომარაგების კომპანია, გაგარინის ქუჩაზე განახლებული ქსელის დაერთობით სამუშაოებს ატარებს, რის შედეგადაც წყალმომარაგება 12 000 აბონენტს გაუუმჯობესდება.

სამუშაოების მიმდინარეობას რუსთავის მერი ნინო ლაცაბიძე და საქართველოს პარლამენტში რუსთავის მაჟორიტარი დეპუტატი ირაკლი შატაკიშვილი წყალმომარაგების კომპანიის წარმომადგენლებთან ერთად გაეცნენ.

გაგარინისა და მშვიდობის ქუჩების დამაკავშირებელი მაგისტრალური მილსადენის რეაბილიტაციის ფარგლებში 2 კმ-მდე სიგრძის წყალსადენის ქსელი განახლდა, დამონტაჟდა 16 ჩამკვეთ-მარეგულირებელი ურდული, მოეწყო 13 საკვანძო ჭა.

რუსთავის წყალმომარაგების გაუმჯობესების გრძელვადიანი პროექტი უკვე მესამე წელია რაც მიმდინარეობს, ინვესტიციის სრული ოდენობა 60 მილიონი ლარია



პროექტის ფარგლებში „რუსთავის კორპუსის“ 44 თანამშრომელი გადაიზარდა

ენიო ლაცაბიძე: - ჩვენი გუნდისთვის, ქალაქში ინფრასტრუქტურული პროექტების განხორციელებასთან ერთად, ერთ-ერთი მთავარი მიმართულება თანამშრომლების გადამზადება და მათი კვალიფიკაციის ამაღლებაა რუსთავის მუნიციპალური რეფორმებისა და სერვისების განვითარების ცენ-

თული ოცნების“ ნევერ თამარ გოგაძესთან ერთად გადასცეს. ტრენინგ-გოდული „მენეჯმენტის თანამედროვე მიდგომები“ წინასწარი კვლევის შედეგად გამოვლენილი საჭიროებების შესაბამისად შემუშავდა და ეფექტური კომუნიკაციის, გამომწვევების, რთული სიტუაციების მართვის, ლიდერობისა და გუნდური მუშ-

ნელია რაც მიმდინარეობს. ცენტრის მიზანი, მუნიციპალური სერვისების გაუმჯობესება-მოდერნიზაციასთან ერთად, სხვადასხვა მუნიციპალიტეტებისთვის რუსთავში გატარებული რეფორმების ფარგლებში დიფერენციალური პრაქტიკული და თეორიული გამოცდილების გაზიარებაა. რუსთავის მერია პირვე-



ტრმა, „თანამშრომელთა გადამზადებისა და პროფესიული ხელშეწყობის“ პროექტის ფარგლებში, „რუსთავის კორპუსის“ 44 თანამშრომელი გადაამზადა. სპეციალური ტრენინგ-კურსის გავლის დამადასტურებელი სერტიფიკატები „რუსთავის კორპუსის“ თანამშრომლებს ქალაქის მერმა ნინო ლაცაბიძემ და საქართველოს პარლამენტში რუსთავის მაჟორიტარმა დეპუტატმა ირაკლი შატაკიშვილმა საკრებულოს ფრაქცია „ქარ-

აობის ძირითად პრინციპებსა და საკითხებს მოიცავდა. საქართველოს მუნიციპალიტეტებში პირველი მუნიციპალური რეფორმებისა და სერვისების განვითარების ცენტრი, რუსთავის მერიამ დააფუძნა. ცენტრი სხვადასხვა დარგის მონვეულ სპეციალისტებთან და ექსპერტებთან ერთად, მუნიციპალური მომსახურების თითქმის ყველა სფეროში გეგმავს და ამზადებს რეფორმებს. რუსთავის მერიაში მუნიციპალური სერვისების რეფორმა ორი

ლი მუნიციპალიტეტი იქნება საქართველოში, რომელიც თანამედროვე სერვისებისა და რეფორმების შესახებ დაგროვილ გამოცდილებას უახლოეს მომავალში სხვა მუნიციპალიტეტებს ტრენინგების ფორმით გაუზიარებს. ნინო ლაცაბიძემ და ირაკლი შატაკიშვილმა მოსახლეობას პამლეტ გონაშვილის სახელობის სკვერის რეაბილიტაციის პროექტი გააცნეს

მოსახლეობის თხოვნით კიდევ ერთი უიდასაუბრო რეკონსტრუქციული სივრცის მოწყობა იწყება



მე-7 მიკრორაიონში №12 და №15 კორპუსების მიმდებარე ტერიტორიაზე დაწესილი ბეტონის ფილებით მოპირკეთებული საფეხმავლო ბილიკების, საბავშვო ატრაქციონების და მწვანე დასასვენებელი ზონის მოწყობა განსაზღვრული.

მოსახლეობასთან შეთანხმებით, ახალ რეკონსტრუქციულ, საბავშვო-გასართობის გარდა, სპორტულ-გამაჯანსაღებელი სივრცეც გაკეთდება.

აქვე განთავსდება რუსთავის მოქანდაკეთა საერთაშორისო სიმპოზიუმის ფარგლებში შექმნილი ერთ-ერთი ქანდაკებაც.

ახალი საზოგადოებრივი სივრცის პროექტი რუსთავის მერმა ნინო ლაცაბიძემ და რუსთავის მაჟორიტარმა დეპუტატმა ირაკლი შატაკიშვილმა მოსახლეობას ადგილზე გააცნეს.

სკვერის მოწყობის სამუშაოები რამდენიმე დღეში დაიწყება.

რუსთავში მოსახლეობის ჩართულობით შექმნილი კიდევ ერთი პროექტი სორსიელდება

ახალი რეკონსტრუქციული და საზოგადოებრივი სივრცე, რომელიც მე-14 მიკრორაიონის №№6, 47 და 48 საცხოვრებელი კორპუსების შიდა ეზოში ეწყობა, რუსთავის მერიის დაფინანსებით და გერმანიის საერთაშორისო თანამშრომლობის საზოგადოების ჩართულობით ხორციელდება.

სამუშაოების მიმდინარეობას რუსთავის მერი ნინო ლაცაბიძე მოადგილე ბესიკ ტოგონიძესთან, ინფრასტრუქტურის სამსახურის და „რუსთავის კორპუსის“ წარმომადგენლებთან ერთად, ადგილზე გაეცნო.

პროექტით საფეხმავლო ბილიკების, მწვანე სივრცეების, საბავშვო მოედნის, ფანჯატურების, სპორტულ-გამაჯანსაღებელი კუთხის, გარე განათების და პარკირების ზონის მოწყობა გათვალისწინებული.

მოსახლეობის თხოვნით, ტერიტორიის კეთილმოწყობისთვის ორი სხვადასხვა პროექტი შეიქმნა.



გასულ წელს, რუსთავის მერმა ნინო ლაცაბიძემ ადგილობრივ მოსახლეობას ორივე პროექტის პრეზენტაცია წარუდგინა და რუსთავის ბიუჯეტიდან ის პროექტი დაფინანსდა, რომელსაც მოსახლეობამ მიანიჭა უპირატესობა.

სამუშაოები მიმდინარე წლის სექტემბერში დასრულდება.



რუსთავის სპორტის სასახლეში ადგილობრივი თვითმმართველობის ახალგაზრდული ფორუმი გაიმართა

ახალგაზრდობის საერთაშორისო დღესთან დაკავშირებით, რუსთავის სპორტის სასახლეში, ადგილობრივი თვითმმართველობის ახალგაზრდული ფორუმი - „ახალგაზრდების სოციალური და ეკონომიკური გაძლიერებისთვის“ გაიმართა.

ლონისძიებაში სტუდენტები, ცენტრალური და ადგილობრივი ხელისუფლების წარმომადგენლები მონაწილეობდნენ.

ფორუმი რუსთავის მერმა ნინო ლაცაბიძემ გახსნა. შეხვედრის მონაწილეებს სიტყვით მიმართეს განათლების, მეცნიერებისა და ახალგაზრდობის მინისტრმა გიორგი ამილახვარმა, პარლამენტის განათლების, მეცნიერებისა და ახალგაზრდულ საკითხთა კომიტეტის თავმჯდომარემ გივი მიქანაძემ, თბილისის საკრებულოს თავმჯდომარემ

გიორგი ტყემელაძემ, პარლამენტარმა გიორგი ჩაკვეტაძემ, რუსთავის მაჟორიტარმა დეპუტატმა ირაკლი შატაკიშვილმა და ქვემო ქართლში სახელმწიფო რწმუნებულმა გიორგი დონტურიშვილმა.

ფორუმი პანელური დისკუსიის ფორმატში წარიმართა. ლონისძიების მონაწილეებმა განსაზღვრეს თანამშრომლობის ახალი შესაძლებლობები რეგიონში მცხოვრები ახალგაზრდების სოციალური და ეკონომიკური განვითარებისთვის. იმსჯელეს 2023-2026 წლებითვის სახელმწიფოს ახალგაზრდული სტრატეგიის განხორციელებაში ადგილობრივი ხელისუფლების როლის გაძლიერებაზე, ახალგაზრდების დასაქმების ხელშეწყობის, სტაჟირების სახელმწიფო პროგრამის, ახალგაზრდული ინიციატივებისა და პროექტების

დაფინანსების საკითხებზე.

ლონისძიების ფარგლებში კენჭი უყარეს ასევე რეზოლუციის პროექტს - „ახალგაზრდების სოციალური და ეკონომიკური გაძლიერებისთვის“.

2024 წლის „ადგილობრივი თვითმმართველობის ახალგაზრდული ფორუმი“ თბილისის საკრებულოს, რუსთავის მერიის და პარლამენტის განათლების, მეცნიერებისა და ახალგაზრდულ საქმეთა კომიტეტის ორგანიზებით, განათლების, მეცნიერებისა და ახალგაზრდობის სამინისტროს, ახალგაზრდობის სააგენტოს და საქართველოს ადგილობრივი თვითმმართველობათა ეროვნული ასოციაციის მხარდაჭერით ჩატარდა. წელს ახალგაზრდული ფორუმი მეოთხედ გაიმართა.



რუსთავის მერია ჰამლეტ გონაშვილის სახელობის სკვერის რეაბილიტაციას იწყებს

რითაც მოსახლეობისთვის მიცემულ კიდევ ერთ დაპირებას ასრულებს, - ამის შესახებ ნათქვამია რუსთავის მერიის მიერ გავრცელებულ ინფორმაციაში.

მწვანე სივრცის რეაბილიტაციის პროექტის დეტალები, რუსთაველებს ქალაქის მერმა ნინო ლაცაბიძემ და საქართველოს პარლამენტში რუსთავის მაჟორიტარმა დეპუტატმა ირაკლი შატაკიშვილმა გააცნეს.

პროექტის თანახმად 4300 კვ/მ ტერიტორიაზე ახალი საფეხმავლო ბილიკები, მწვანე სივრცე, დასასვენებელი ზონები და შადრევანი მოეწყობა.

ჩვენი გუნდი ვასრულებთ მოსახლეობისთვის მიცემულ პირობას და რუსთავში ერთ-ერთი ცენტრალური მწვანე სივრცის რეაბილიტაციას ვიწყებთ. ჰამლეტ გონაშვილის სახელობის სკვერში თავდაპირველად კომპანია „ჯი-ვი-პი“ ჩაატარებს სარეაბილიტაციო სამუშაოებს, რადგან წყალსადენის სისტემაზე არსებულმა ხშირმა ავარიებმა საგრძნობლად დააზიანა სკვერის ინფრასტრუქტურა. დღეს მოსახლეობასთან ერთად შევთანხმდით რეაბილიტაციის პროექტის დეტალებზე, რასაც განახლების პროცესში აუცილებლად გავითვალისწინებთ, - განაცხადა რუსთავის მერმა ნინო ლაცაბიძემ.

განახლებულ რეკრეაციულ სივრცეში რუსთავის ქორეოგრაფიულ კონკურს-ფესტივალ „ქართულის“ ლოგოს იდენტური - მოცეკვავე წყვილის სკულპტურა და ჰამლეტ გონაშვილის ბიუსტი განთავსდება.

„რუსთაველებისთვის ეს სკვერი ერთ-ერთი საყვარელი ადგილია, რადგან ჩვენი კულტურის კორიფეს ჰამლეტ გონაშვილის სახელს ატარებს.“

ტივალ „ქართულის“ სიმბოლო - მოცეკვავე წყვილის სკულპტურა“, - განაცხადა საქართველოს პარლამენტში რუსთავის მაჟორიტარმა დეპუტატმა, ირაკლი შატაკიშვილმა.

სარეაბილიტაციო სამუშაოები ჰამლეტ გონაშვილის სახელობის სკვერში რამდენიმე დღეში დაიწყება.



რუსთავში აგვისტოს ომიდან 16 წლისთავი აღნიშნეს

რუსთავის მერმა ნინო ლაცაბიძემ და რუსთავის მაჟორიტარმა დეპუტატმა ირაკლი შატაკიშვილმა, აგვისტოს ომში დაღუპული ჯარისკაცების ოჯახის წევრებთან და ვეტერანებთან ერთად, გამართა მემორიალი ყვავილებით შეამკეს.

მემორიალთან ქალაქის საკრებულოს ფრაქცია „ქართული ოცნების“ წევრები და მუნიციპალიტეტის წარმომადგენლებიც შეიკრიბნენ.



მოგვიანებით, ხელისუფლების წარმომადგენლებმა თბილისში, ვარკეთილში, ვახტანგ გორგასლის სახელობის ეკლესიის ეზოში, გვირგვინებით შეამკეს აგვისტოს ომში დაღუპული კაპრალის ვახტანგ გვირგვინის და მისი დედის - მარინა გვირგვინის საფლავები.

2008 წლის აგვისტოში, რუსეთის ფედერაციის მიერ საქართველოში განხორციელებული სამხედრო ინტერვენციის შედეგად, რუსთაველი სამხედრო მოსამსახურეები - უფროსი სერჟანტი ზაზა ფერაძე, კაპრალი ვახტანგ გვირგვინი, სერჟანტი კახაბერ თავგორაშვილი, კაპრალი ლევან იოსებიძე, კაპრალი გიორგი ჯავახიშვილი და სერჟანტი ბესიკ კაპანაძე დაიღუპნენ.

ექვსივე მათგანი, გარდაცვალების შემდეგ, ვახტანგ გორგასლის სახელობის ორდენითაა დაჯილდოებული.

რუსთაველ ოლიმპიელს ფულადი ჯილდო გადაეცა

რუსთავის მერიამ რუსთაველ ოლიმპიელს - ბრინჯაოს პრიზიორს ლაშა გურულს და მსოფლიოს ჩემპიონს ძიუდოში გიორგი სარდალაშვილს ფულადი ჯილდო გადასცა.



ახალგაზრდობის საერთაშორისო დღის აღნიშვნა რუსთავში კონცერტით დასრულდა. რუსთავის პარკში მაცურებლის წინაშე თიკა Balanchine & New One წარდგინდა.

კონცერტის მიმდინარეობისას სცენაზე ლონისძიების განსაკუთრებული სტუმრები - ორგზის ოლიმპიური ჩემპიონი ლაშა ბექაური, ოლიმპიადის ბრინჯაოს პრიზიორი, რუსთაველი სპორტსმენი ლაშა გურული და მსოფლიო ჩემპიონი ძიუდოში გიორგი სარდალაშვილი მიიწვიეს. რუსთაველ ოლიმპიელს რუსთავის მერიამ ფულადი ჯილდო 10 000 - 10 000 ლარი გადასცა.

ლონისძიებას რუსთავის მერი ნინო ლაცაბიძემ, საქართველოს პარლამენტში რუსთავის მაჟორიტარი დეპუტატი ირაკლი შატაკიშვილი და ახალგაზრდული ფორუმის მონაწილე ცენტრალური და ადგილობრივი ხელისუფლების წარმომადგენლები დაესწრნენ.

პატარა ფეხბურთელების წარმატება ჩვენი ქვეყნის და ქალაქის გამარჯვებაა

რუსთავის მერი ნინო ლაცაბიძე და საქართველოს პარლამენტში რუსთავის მაჟორიტარი დეპუტატი ირაკლი შატაკიშვილი, საკრებულოს ფრაქცია „ქართული ოცნების“ წევრებთან და საფეხბურთო კლუბ „რუსთავის“ დირექტორ ბაჩანა ცხადაძესთან ერთად, პატარა ფეხბურთელებს და მათ მშობლებს შეხვდნენ და წარმატებები უსურვეს.

საფეხბურთო კლუბ „რუსთავის“ ახალგაზრდული გუნდი, რუსთავის მერიის დაფინანსებით, შემოდგომაზე ესპანეთში, პრესტიჟულ საერთაშორისო ტურნირზე იასპარეზებს.

ტურნირი მიმდინარე წლის ნოემბრის ბოლოს, ესპანეთის ქალაქ სალოში გაიმართება და მასში მონაწილეობას მიიღებენ სხვადასხვა ქვეყნის ცნობილი კლუბების ახალგაზრდული გუნდები.

რუსთავის ვაჟ ფეხბურთელთა გუნდი 2022-2023 წლებში ელიტ ლიგის ორგზის გამარჯვებული გახდა - მოიგო Ateitis CUP 2022 Batumi და ბენდელას თასი.

ნირო ლასაბიძე, რუსთავის მერი



ჩვენ ყოველთვის ვაფიქსირებთ, რომ ისტორია არის ის, რაზეც უნდა დავაშენოთ ჩვენი მომავალი და ქალაქის ახალი ბანკითარება

რუსთავის მოქანდაკეთა საერთაშორისო სიმბოლიუმის ფარგლებში შექმნილი 14 ქანდაკებიდან ერთ-ერთი სკულპტურა, ქალაქის ახლად რეაბილიტირებული ცენტრალური ხიდის დასაწყისში, ღია საგამოფენო სივრცის მიმდებარე ტერიტორიაზე განთავსდა.

ჟორიტიანი დეპუტატი ირაკლი შატაკიშვილი ესწრებოდნენ. „წელს ჩვენმა გუნდმა რუსთავის ძალიან ლამაზი და კარგი ტრადიცია - მოქანდაკეთა საერთაშორისო სიმბოლიუმში აღვადგინეთ. სიმბოლიუმის ფარგლებში შეიქმნა 14 უნიკალური ქანდაკება და მათგან ერთ-ერთი, რომელიც უცხოელ მოქანდაკეს ეკუთვნის, დღეს ძველი და ახალი რუსთავის დამაკავშირებელი ახლად რეაბილიტირებული ხიდის მიმდებარე ტერიტორიაზე განთავსდა. ეს ქანდაკება ძალიან შეესაბამება ამ ადგილს, რადგან როგორც თავად ავტორმა გვითხრა, ის განასახიერებს ძველის და ახლის გაერთიანებას. ჩვენ ყოველთვის ვაფიქსირებთ, რომ ისტორია არის ის, რაზეც უნდა დავაშენოთ ქალაქის ახალი განვითარება. ძველის და ახლის პარმონია, რაზეც თავად მოქანდაკე საუბრობდა, ვფიქრობ, სწორედ ეს გვაძლევს უფრო მეტ ძალას ქალაქის წინსვლის და განვითარებისთვის“.


განსხვავებული არქიტექტურული სტილის არეალის ერთიანობას სიმბოლიურად გამოხატავს.

საქართველოს პარლამენტში რუსთავის მაჟორიტარმა დეპუტატმა ირაკლი შატაკიშვილმა აღნიშნა, რომ თითოეულ ადამიანს ხელოვნების ნიმუშის საკუთარი აქვს.

„ჩვენს ქალაქში ივლისში ჩატარდა მოქანდაკეთა საერთაშორისო სიმბოლიუმი. სხვადასხვა ქვეყნიდან ჩამოსულმა მოქანდაკეებმა რუსთავში შექმნეს საკუთარი ხელოვნების ნიმუშები და ერთ-ერთი სკულპტურა, დღეს ძველი და ახალი რუსთავის დამაკავშირებელი ხიდის ტერიტორიაზე განთავსდა. თითოეულ ადამიანს ხელოვნების ნიმუშის საკუთარი აქვს და მე ვფიქრობ, რომ ეს ერთგვარი სინთეზია ძველის და ახლის. სიმბოლიურია, რომ ეს ნამუშევარი, სწორედ ძველი და ახალი რუსთავის გზაგასაყარზე განთავსდა“, - განაცხარა ირაკლი შატაკიშვილმა.

ქანდაკების ავტორი, ბულგარელი სკულპტორი, ხელოვნების მაგისტრია და მას 30-ზე მეტ სიმბოლიუმში აქვს მონაწილეობა მიღებული.

„რუსთავის მოქანდაკეთა საერთაშორისო სიმბოლიუმი, მიმდინარე წლის ივნისში გაიმართა. ტრადიცია, რომელსაც გასული საუკუნის 90 იან წლებში ჩაეყარა საფუძველი, წელს, რუსთავის მერის ნინო ლაცაბიძის ინიციატივით აღდგა და რუსთავს 14 საინტერესო სკულპტურა დაუტოვა. ქანდაკებები ქალაქის ქუჩებში განთავსდება. ბულგარელი სკულპტორის „ცეკვა ქართან ერთად“, რუსთავის მოქანდაკეთა საერთაშორისო სიმბოლიუმში-2024-ის ფარგლებში შექმნილი პირველი სკულპტურაა, რომელმაც კუთვნილი ადგილი ქალაქში, უკვე დაიკავა.



ქანდაკება, სახელწოდებით - „ცეკვა ქართან ერთად“, ბულგარელი სკულპტორის - ზდრავკო ზდრავკოვის ნამუშევარია.

ქანდაკების მონტაჟის პროცესს, რუსთავის მერი ნინო ლაცაბიძე და საქართველოს პარლამენტში რუსთავის მა-

სთავის“, - განაცხარა რუსთავის მერმა ნინო ლაცაბიძემ.

სკულპტურა, რომელიც ორი სილუეტის სინთეზს ქმნის, ძველი და ახალი რუსთავის ერთიანობას განასახიერებს. ქალაქის მარჯვენა და მარცხენა სანაპიროს დამაკავშირებელ ხიდთან კი მისი განთავსება,

რუსთავი-წითელი ხიდისა და ალგეთი-სადახლოს მაგისტრალური გზის მშენებლობაზე საერთაშორისო შესყიდვის წესით ტენდერი გამოცხადდა



რუსთავი-წითელი ხიდისა და ალგეთი-სადახლოს საგზაო მონაკვეთები აღმოსავლეთ-დასავლეთის და სამხრეთ-ჩრდილოეთის საერთაშორისო საავტომობილო დერეფნების შემადგენელი ნაწილია, რომელიც საქართველოს აკავშირებს აზერბაიჯანისა და სომხეთის საზღვრებთან

პროექტის მიხედვით, საერთო ჯამში, აშენდება 61.3 კმ, 4 ზოლიანი, გარე განათების სისტემით უზრუნველყოფილი ბეტონის ჩქაროსნული გზა, 26 ხიდი და 11 სატრანსპორტო კვანძით, სადაც დაცული იქნება საერთაშორისო საგზაო უსაფრთხოების ყველა აუცილებელი მოთხოვნა

საგზაო მონაკვეთების მშენებლობა დაყოფილია 4 ლოტად, რაზეც გამოცხადდა ორი ტენდერი. სამშენებლო სამუშაოები 2025 წელს დაიწყება და ოთხივე მონაკვეთის მშენებლობა სამუშაოების დაწყებიდან, ეტაპობრივად, 30 თვეში დასრულდება

პროექტი ევროპის საინვესტიციო ბანკის და საქართველოს მთავრობის თანადაფინანსებით განხორციელდება, რისთვისაც ევროპის საინვესტიციო ბანკის მხრიდან გამოყოფილია 250 მილიონი ევროს ოდენობის სესხი

მაგისტრალური გზის მონაკვეთების პროექტირების სამუშაოები, მსოფლიო ბანკის ფინანსური მხარდაჭერით, ჰოლანდიურმა კომპანიამ შეასრულა

ფიქრები საქართველოს მფარველთა 26-ე ყრილობის შემდეგ

კონსტანტინე გამსახურდია მარტო ზუგდიდელაბის კი არა, სრულიად საქართველოს, მეტიც, მსოფლიო მნიშვნელობის მწერალია!

აქვთ თუ არა თავიანთი სიმბოლო რუსთაველზე?

ამ საგაზეთო წერილის მკითხველი, ალბათ, გაიმეორებს ცნობილი ქართული ფილმის, „ცისფერი მთების“ მთავარი გმირის კითხვას, რა საჭიროა ორი სათაური... მაგრამ, თუ კითხვას გააგრძელებს, დარწმუნდება, რომ ორი სათაური ამ წერილსაც უნდა... საქართველოს მწერალთა 26-ე ყრილობას უკვე ორ თვეზე მეტი გვაშორებს, მე კი ის განცდა და ფიქრი, რომელიც ყრილობის მსვლელობისას გამომიჩნდა, დღემდე არ მტოვებს. საქართველოს მწერალთა კავშირის თავმჯდომარის, ქალბატონ მაყვალა გონაშვილის საანგარიშო მოხსენების შემდეგ ტრიბუნასთან მიდიოდნენ ქვეყნის სხვადასხვა ქალაქებისა და რაიონების წარმომადგენლები, მწერლები, რომლებიც ყრილობის მონაწილეებს ამცნობდნენ, განსახილველ პერიოდში რა გააკეთეს, როგორი იყო და არის ლიტერატურული ცხოვრება მათ რეგიონებში, რა ულხინთ და რა სჭირდებათ უკეთ მოღვაწეობისათვის.

სხვისთვის არ ვიცი და, ჩემდა გასაკვირად და სამწუხაროდ, ყრილობის ტრიბუნაზე, როგორც ვეღვაწე ნინა (როგორც დღევანდელი, მეოთხედ ვესწრებოდი ყრილობას), ისე ამ ყრილობაზეც არ გაისმა რუსთაველი მწერლების ხმა... სათქმელი კი იყო, იყო... რუსთაველი, რომელიც ხელმძღვანელობის თანადგომითა და მხარდაჭერით, გარკვეული პერიოდული, გამოდის ლიტერატურული კრებულები „ჩვენ, რუსთაველები“, სადაც გამოქვეყნებულია რუსთაველი მწერალთა და ლიტერატორთა ნაწარმოებები: ლექსები, მოთხრობები, სამეცნიერო ნაშრომები... შესაბამისად, ტარდება კრებულის ყოველი ახალი ნომრის პრეზენტაცია. ასევე, ქალაქის ხელმძღვანელობის თანადგომითა და მხარდაჭერით, გამოიცემა ცალკეულ ავტორთა ნიგნები. მაგალითისათვის, წელს 7 რუსთაველი ავტორის ნიგნი გამოიცა. საბიბლიოთეკო გაერთიანების ხელმძღვანელობის ინიციატივითა და ორგანიზებით ეწყობა

შეხვედრები დედაქალაქელ მწერლებთან... ეს ცოტა როდია და ყრილობის ტრიბუნაზე სათქმელად ნამდვილად ღირდა... მადლიერების გამოსახატავად და თავმოსწონებლად... რატომაც არა!

მაგრამ, რუსთაველ მწერლებს კიდევ მეტი ყურადღება და ხელშეწყობა რომ გვესაჭიროება და გვინდა კიდევაც, იქვე, ყრილობაზე ესეც რომ გაუღერებულყო, ამით თუ არაფერი გაკეთდებოდა, ხომ არც არაფერი დაშავდებოდა... თუ თითოეული ყრილობა მწერლებს ახალსა და სასიკეთოს არაფერს მოუტანს, მაშინ რა საჭიროა მისი მოწვევა, რეგიონებიდან დედაქალაქში იმდენი მწერლის (დღევანდელის) ჩამოყვანა, შეკრება და... ბოლოს რა?!

ისტორია მეორდება... ამჯერადაც... და როგორი საოცარი სიზუსტით თუ არა, მსგავსებით მაინც... დავიმონებ მცირე ამონარიდს გაზეთ „ლიტერატურულ საქართველო“-ში (2019 წ. 28 ივნისი, № 23) გამოქვეყნებული ჩემი წერილიდან – „ძველი სურათები ძველ ჩარჩოში“: „... მიუხედავად წინა ყრილობიდან მიღებული გამოცდილებისა, ახლა რატომაც იმედი მქონდა, რომ მკვეთრად დაისმებოდა და გაანალიზდებოდა პერიოდული სამწერლო ორგანიზაციების მუშაობისა და იქ მოღვაწე მწერლების მდგომარეობის საკითხი. მაგრამ... ისევ მაგრამ და როგორც ასეთ დროს იტყვიან, არაფერი გეტყვით, არც არაფერი გეწყინოს! არადა, პერიოდული მცხოვრებ და მოღვაწე მწერლებს როგორ გვაკლია ყურადღება, როგორც საქართველოს შემოქმედებითი კავშირის (აიპის), ისე ადგილობრივი ხელისუფლების მხრიდან“.

ისტორია განმეორდა. დიას, ასე იყო: რუსთაველი მწერლები ნავედით, მივედით, დავესწარიყვით ყრილობას, მოვისმინეთ და... დავბრუნდით შინ!!! ბოდიში უნდა მოვუხადო მკითხველს ასეთი შედარებისათვის, მაგრამ, გამო-

დის რომ, დიდი სულხან-საბა ორბელიანივით, რუსთაველმა მწერლებმა, რაც შეეძლო, ისევე ის გამოვიტანეთ... იმან სახელგანთქმულ ვერსალის სასახლიდან, ჩვენ კი თბილისიდან, საქართველოს მწერალთა ყრილობიდან... და ეს უკვე მერამდენედ!

კარგი იქნებოდა, ყრილობის წინ შემდგარიყო რუსთაველის მწერალთა ადგილობრივი ორგანიზაციის კრება, რომელიც მოისმენდა საანგარიშო პერიოდში განხორციელებული ანგარიშს, გასაანალიზებელს გააანალიზებდა, აირჩევდა ყრილობის დელეგატებს, ჩამოყალიბდებოდა საერთო აზრი, თუ რა გვექნებოდა ყრილობაზე სათქმელი... ყრილობის შემდეგაც, რუსთაველი მწერლები ერთმანეთს გაუზიარებდნენ შთაბეჭდილებას, გასააზრებელს გაიზარებდნენ და სამომავლო გეგმასაც დასახავდნენ... დიას, კარგი იქნებოდა...
ეს ერთი ტკივილიანი საფიქრალი, რომელიც იქვე, მწერალთა ყრილობაზე გამიჩნდა და დღემდე არ მანებებს თავს და მეორეც, სხვისი არ ვიცი და, პირადად ჩემთვის გასაკვირი და გასაკვირზე მეტიც... სიტყვით გამოსვლისას ზუგდიდის მწერალთა წარმომადგენელმა (სახელად გვარი ვერ გავიგონე), საანგარიშო პერიოდში მიღწეული წარმატებები თავმოყრილად (რატომაც არა!) რომ ჩამოთვალა და პირადად მე და, ალბათ, ყრილობის სხვა დელეგატებზეც გაგუხარა და, ცოტა არ იყოს, სრულიად ბუნებრივად, თეთრი შურითაც აგავასო, სამომავლო გეგმებიც გაგვიჩვენა... რაო და, ჩვენ, ზუგდიდელმა მწერლებმა, გადავწყვიტეთ, დიდი კონსტანტინე გამსახურდიას იუბილე უნდა გადავიხადოთ...
ამ განცხადებას ყრილობის ყველა დელეგატი მჭუსარე ტაშით შეხვდა... მათთან ერთად, რა თქმა უნდა, მეც... მაგრამ ამჯერადაც მძლია ჩემმა პიროვნულმა თვისებამ და ჩვევამ, ყველაფერს სხვა მხრიდანაც შევხედო... და

ჩემთვის გავიფიქრე ის, რასაც ახლა საჯაროდ ვაცხადებ: ძვირფასო, საყვარელო, მისაბაძო ზუგდიდელეებო, მეგრელებო, ღვიძლო ქართველებო, თქვენ გენაცვალეთ, ეს რა კარგი რამ მოგიფიქრებიათ და გადაგიწყვეით... დიას, დღეს საჭირო და აუცილებელია დიდი რომანისტი, ნოველისტი, პუბლიცისტი და, რაც მთავარზე უმთავრესია, დიდი ქართველის, კონსტანტინე გამსახურდიას იუბილეს აღნიშვნა, კაცისა, ვინც სიტყვითა და კალმით შეუპოვრად იბრძოდა საქართველოს შინაური და გარეშე მტრების წინააღმდეგ... ისიც ვალია: იუბილე, მწერლის ცხოვრებისა და მოღვაწეობის დასახელება და შესვენება, მისი ნათელი ხსოვნისადმი პატივის მიგება იმდენად თავათ (ამ სიტყვას – თავათ – დიდი მოქართულე, ქართული სიტყვის დიდოსტატი კონსტანტინე გამსახურდია და მისი ღირსეული ძე, საქართველოს პირველი პრეზიდენტი, პოეტი, ესეისტი და ლიტერატურათმცოდნე ზვიად გამსახურდია ასე წერდნენ!) კონსტანტინე გამსახურდიას კი არა, დღევანდელ საქართველოს, დღევანდელ ქართველებს გვჭირდება სამაგალითოდ და მისაბაძად... სადღესო პრობლემებში უკეთ გასარკვევად და სამომავლო გზის განსაზღვრად და გასაკვლევად...
მაგრამ! მაგრამ ის, რომ კონსტანტინე გამსახურდიას, დიდი მწერლისა და დიდი ქართველის იუბილე მარტო ზუგდიდელეებისა და სამეგრელოში მცხოვრები მწერლების მოსაფიქრებელი, გადასაწყვეტი და ჩასატარებელი როდია...
აბა როგორ და რანაირად და რატომ... თუ ზუგდიდელეები და, საერთოდ, სამეგრელო თავის კუთვნილად მიიჩნევს კონსტანტინე გამსახურდიას იუბილეს ჩატარებას, მაშინ რა გამოდის, ყველამ, ქართულმა, კახელმა, იმერელმა, გურულმა, აჭარელმა, რაჭველმა, ფშაველურმა და საქართველოს სხვა მხარეების წარმომადგენლებმა თავ-

თავიანთ კუთხეში დაბადებული მწერლის იუბილეს აღნიშვნით მოიხონონ თავი და ეგრე დავიყოთ და დავცალ-ცალკევდეთ კუთხეებად და ქალაქებად? აქედან რა სიკეთეს უნდა ველოდოთ?

მკლავმოულელი და კალამმოულელი მწერალი და საქართველოს გულოვანი მეციხოვნე კონსტანტინე გამსახურდია თავისი ნამსახურობით (რაც მის გვარშიც იკითხება: გამსახურ...დიას!!!) სრულიად საქართველოს საამაყო მწერალია და მისი იუბილე სრულიად საქართველომ, მთელმა ერმა, ქართველობამ უნდა ვიხეიმოთ!

რაც შეეხება ყრილობას... როგორც წინა, ისე ამ ყრილობაზეც, დელეგატებს, ვისაც სიტყვით გამოსვლა ერგოთ, არ გამოუხატავთ თავიანთი პოზიცია ქვეყანაში მიმდინარე პოლიტიკურ პროცესებთან დაკავშირებით... წინა ყრილობაზე ამის მცდელობა მაინც იყო, თუმცა უშედეგო, მაგრამ მაინც... ამჯერად კი, დელეგატები თითქოს საქართველოს სხვადასხვა ქალაქებიდან და რაიონებიდან კი არა, სულ სხვა სამყაროდან იყვნენ მოსულები და ყრილობაც, მწერალთა ყრილობა, საქართველოში, საქართველოს დედაქალაქში კი არა, სადღაც სხვა პლანეტაზე ტარდებოდა... შეიძლება მწერალს, თუ ის ქვეყნის მწერალია და არა წერასატანილი მომწერლო, მწერლობას მიტმასნებული, არ ჰქონდეს საკუთარი ანაქალაქობრივი პოზიცია ქვეყანაში მიმდინარე პროცესებისა და მოვლენებისადმი, არ იყოს იქ და ისე, როგორც ეს მწერალს მოეთხოვება და იყოს – არსად, არსაიდანელი და არსაითელი? ამიტომ, მწერლებით შევსებული დარბაზის შემხედვარემ, გულდანყვებილმა ჩემთვის გავიფიქრე... რამ დამწყვიტა გული და რა გავიფიქრე, სკითხავია?

და კიდევ: იმ დღეს მარტო მე გამოვიკვირე და გასაკვირი, მარტო მე მეტკინა სატკენი და სანყენიც მარტო მე მენყინა?

თინათინ სიყვარული

სიზმრებში მშობლიურ სოფელს ვხედავთ

2008 წლის 8 აგვისტო. საბედისწერო თარიღი საქართველოს ისტორიაში, გამოუსწორებელი პოლიტიკური შეცდომა, რომელმაც უდიდესი მსხვერპლი მოიტანა, სამარცხვინო ლაქა, რომელიც აღარასოდეს გადაირეცხება, სამშობლოს მოშორებული ადამიანები, რომლებიც სიზმრებში საკუთარ სახლ-კარს კვლავაც ნახულობენ.

რუსთაველი მცხოვრები ლტოლვილები სამაჩაბლოდან, დღეს უკვე ასაკმომადულნი ქალბატონები მანანა ჰანაშვილი და ნანა მბაღლაძე, როგორც თვითონ ამბობენ, ღამე სიზმრებში ნახულ მშობლიურ სოფლებს – ქემერტს და ერედვს რომ ხედავენ, გულწრფელად ტირიან. მათ საოცრად ენატრებათ მშობლიური სოფლის სანახები და ჯერ კიდევ ვერ იჯერებენ მომ-

დარს, რომელიც მოულოდნელად ქარიშხალივით ეწვია მათ მხარეს. ომმა განადგურა წინაპრებისა და მათი ნაამაგარი, დანვა, მოშალა, ამოძირკვა მათი სახლები.

...პირველად რაკეტა ჩვენს სოფელში, ჩემს ეზოში ჩამოვარდა. ხორბალი მქონდა გაფენილი ეზოში, ეს იყო არა მხოლოდ სასწაული ხმა, არამედ სულიერად უდიდესი შიშის გამომწვევი. მექანიკურად ხორბლის ხევის ქვეშ შევედერი, მეგონა, გადავჩრებოდი. სოფელი ჩემს თვალწინ იბომბებოდა. შვილები მანამდე გამოგუშვი რუსთაველი ნათესავებთან. ჩემი მეუღლე კი, რომელიც მანამდე აფხაზეთის ომში იბრძოდა, ამ აგვისტოს ომში სამშობლოს იცავდა და მტრის ტყვიას ემსხვერპლა.

მე ცოცხალმა გამოვასწარი

და ჩემმა მეზობლებმაც. ეს იყო ერთი აუნერული საშინელება, იხსენებს მანანა ჯანაშვილი და იმასაც დასძენს, რომ სრულიად ჯანმრთელი და ახალგაზრდა, ამ ამბის შემდეგ დაავადდნენ. უამრავი ოპერაცია გადაიტანა და ახლა ასაკში შესული, ერთსა და იმავეს – სანამ ამ ქვეყანას გაეცლება, ერთხელ მაინც შეავლოს თვალი მშობლიური სოფლის მთა-ბარს.

ნანა მბაღლაძემ მშობლიურ ქემერტს იხსენებს – ულამაზესი ბაღა-ბაღებით და უსაყვარლესი ადამიანებით სავსე.
– ვისაც ეს ომი არ უნახავს, ვერ წარმოიდგენს რა ყოფაში ჩავვარდით. ჩემს სამშობლოში ჩემი უპირველესი და პატარა სამშობლო, სოფელი დაეკარგა. მენატრება მისი აისი და დაისი, ბაღი და ბოსტანი მუშაობა, იქ მონეული ვაშლი, ბოსტნეუ-

ლი, ყურძენი...

...გვჭირდებოდა ეს ომი? ვნატრობ, რომ აღარასოდეს განმეორდეს საქართველოში მსგავსი ფაქტი. 2008 წლის აგვისტოს ომი ისტორიის ის მწარე გაკვეთილია, რომელმაც ბევრი რამ უნდა გვასწავლოს საზოგადოებასაც და პოლიტიკოსებსაც. ქართველებს სულ სხვანაირად გვიყვარს დედულ-მამული და მას მხოლოდ ომის დროს კი არა, მშვიდობიან პირობებში უნდა ვიცავდეთ ერთმანეთს სიყვარულით, გვერდით დგომით, გამტანობით, ერთმანეთის სიცოცხლეს სულს უნდა ვუბერავდეთ. დადგა დრო, რომ ყველამ ერთად ამოვიღოთ ხმა არასწორი სახელმწიფოებრივი პოლიტიკის გამო, რომელმაც შესაძლოა, ერთი ნაბიჯით დაგვაშოროს მშვიდობას.

ქართველი ერის სიმცირე

ამას ველარ აიტანს, საქართველოს გეოგრაფიული ტერიტორია და სახელმწიფოებრივი საზღვრები შაგრენის ტყავივით გაილევა, გადავწყენდებით...

მადლობა რუსთავეს, რომ შეგვიფარა, გვიპატრონა და დღეს მას უკვე ჩვენს მეორე მშობლიურ ქალაქად მივიჩნევთ. მადლობა ქალაქის ხელმძღვანელობას, ასე რომ ალაპაზებს ქალაქს და გულს გვიხარებს, გვითბობს, რუსთავი უკვე ძალიან გვიყვარს.

ვნატრობ, ის დრო დადგეს, როდესაც სამაჩაბლოს დაკარგულ ტერიტორიას უკან დაიბრუნებს საქართველო და ჩემს რუსთაველ ახლობლებს, ყველას, ერთ მშვენიერ დღეს ჩემს სოფელს ვასტუმრებ. იქაურ კამკამა ჰაერს ერთად ჩავისუნთქებთ.

ლია მარტაშვილი

ბედნიერება ხელოვნებაა



იქ არაფერი მინახავს ისეთი, რაც ჩვენ ქართველებს არ გვაქვს. არადა, პარიზის გული მოიარა. საუბარს სიტყვაძუნწად განაგრძობს, მხოლოდ ის აღნიშნა, რომ ღვთისმშობლის ტაძარი მისი იქ ყოფნის დროს დაინვა.

საფრანგეთში მყოფ მამასთან განსაკუთრებული ურთიერთობა აქვს, გათამამებული, განებივრებული. მამის საყვარელი შვილი იყო ბავშვობიდან, ცელქი,

შევამჩნიე ერთი საგულისხმო რამ, ვინრი, მაღალ ყელს საქართველოს დროშის ყელსაბამით იმშვენებს.

საოცრად დახვეწილი მანერები აქვს, საკმაოდ საინტერესო გარეგნობა, ენამოსწრებული და იუმორით სავსეა, ტრანსფორმაციის საოცარი უნარი გააჩნია. სიტყვებზე მეტად მისი მანერები, ფესტიკულაცია და ეშმაკური თვალეზი ამბობს სათქმელს. ჯიუტი, თავნება და მკაცრია, ზედმეტად ქარიზმატული, მის თვალეზში ხაზგასმულად იკითხება, როგორ უზომოდ უყვარს ადამიანები.

– ამჟამად რას საქმიანობთ?
– სერიოზულად მიმზერს და მოკლედ მპასუხობს, ჩემს ირგვლივ მყოფი ადამიანების დიდი სიყვარულით ვარ აღსავსე ყოველდღიურად. პაუზის შემდეგ განაგრძობს, მცირე მენარმე გახლავართ, დიდ ბიზნესს ვუმიზნებ.

– თქვენი ოცნება?
– აქ რამდენიმე წამს ყოვანდება, ქუჩაში მიმავალ ადამიანებს თვალს აყოლებს და შთაგონებული ტონალობით მპასუხობს.

– იცით, ყოველთვის მინდოდა, სხვა ადამიანების როლი მომერგო, ვოცნებობდი დამედგა ტრაგიკომედია, ვყოფილიყავი კოჭლი ჟოფრე, ან თუნდაც რომელიმე გმირი, სულერთია, მერე ისევ პაუზა და მტკიცე პასუხი, ჩემი ოცნება მსახიობობაა.

დასძენს, პირველი როლი 5 წლის ასაკში ბაგა-ბაღში ითამაშა, მაშინდელი ყმანვილური თავმონების განწყობა დღემდე მოყვება.

– ვიცი, რომ ხატავთ...
– დიას.
– ხატვის დროს სად ხართ?

– ჩემთვის სულ სხვა განზომილება იხსნება.
– განსაკუთრებულად რისი ხატვა გიყვართ?
– პორტრეტებს ვქმნი.
– გარემო, სადაც ხატავთ?
– გარემო არ არსებობს, არსებობს შემოქმედებითი მუხტი.
– მხატვრობაში კარგად ერკვევით?
– ილიმის, საერთოდ ვერა.

იყო დრო ინტენსიურად ვხატავდი, ჩემს ნახატებს ვყიდდი და მიმაჩნია, რომ იმ პერიოდში მაქსიმალურ შესაძლებლობებს მივალწიე.
– რა არის თქვენთვის ბედნიერება?
– ბედნიერება ხელოვნებაა და ხელოვნებისათვის სამსახური.

ლია მარტაშვილი

დასასრული

– ბებომ დღესაც დამირეკა.
– მერე რაო?
– უჭირდა ლაპარაკი, მაგრამ ხო იცი, როგორია, ჩემი ხმა რომ გაიგო, წამოვითო.
– პაპა როგორააო?
– ცუდად!
– როგორ იცი ხოლმე სათქმელის მოხლა.
– შენც როგორ იცი ხოლმე. რა ვერ ისწავლე, რაცაა მთელი ცხოვრება იმას ვაკოპირებ.
– მოეშვი მაგ ქარაგმებს. რა მაიმუნი ხარ მართლა. გვეყო ღლიცინი. ეხლა სერიოზულად. როგორაა პაპა? ორივენი ახარხარდნენ. აი ისე, თვალს თვალში რომ გაუყრი იმ ერთ შენნაირ გიჟს და მერე საათობით ხარხარებთ.
– არის რა.
– აჰა ამ, ცოტათი უკეთესი პასუხია.
– ხომ იცი, რომ ბებოს უფრო უჭირს.
– ვიცი.
– ვუთხარი, ჩემთან წამოგიყვან მეთქი, მაგრამ იქ თავისი მოგონებები კლავს. პაპასთან თანაცხოვრების 65 წელი უსრულდება. მაგრამ ისე უყვართ ერთმანეთი. ხომ იცი მათი ისტორია?
– პაპას გაზრდილი ვარ – მასსოვს ის პირველი დღე, ბალერინაზე რომ მიმიყვანა. თასმებს რომ მიკრავდა, კაბის მაქმანებს, თმას რომ მვარცხნიდა, მერე მიკოსავდა, დამიყვავებდა, შუბლზე მკოცნიდა და დიდხანს, დიდხანს კარის ზღრუბლამდე მდგარი, არ მაცილებდა თვალს. მე კი ეს უდიდეს ძალას მაძლევდა. ახლა კი არ მინდა წავიდეს, არ მინდააა!
– იმხელა ხმაზე ამოიხრა, ამოაყოლა უდიდესი ტკივილი, რაც შიგნით ჰქონდა და მისმა ხრილმა გადაფარა სატელეფონი ზარის ხმა, რომელიც საბედისწერო ამბავს იტყობინებოდა.

შორენა ღაბიაშვილი

წლოვანება – 34. სკოლა – მე-4 საჯარო. წარმოშობით – მესხი. შორენა ღაბიაშვილი.

საოცარია და იქნებ, არცკი, წერა-კითხვას 4 წლისა ეზიარა. ბავშვობიდან გამოირჩეოდა წერის ნიჭით, რაც მისმა ქართულის მასწავლებელმა, თამარ ჩალაძემ შეამჩნია. ხშირად წერდა ესეებს საყვარელი მასწავლებლის თხოვნით და გასაოცარი მხატვრული წერითი მანერებით მიქონდა მკითხველამდე ეს პატარა ჩანახატები, ნაწერიდან იგრძნობოდა, რომ თითოეული პერსონაჟის თავგადასავალს საკუთარ თავზე ირგებდა.

მოკრძალებულია, ფიქრიანი და ძალიან თეატრალური. ბევრი ნიჭით არის დაჯილდებული, მღერის, ხატავს, წერს, კარგად მეგობრობს უცხო ენებთან, იცის ინგლისური, რუსული, ცოტა აზერბაიჯანული, ცოტა ფრანგული. საკმაოდ სიტყვაძუნწია, ჩემს ბევრ კითხვას თავი აარიდა. მოგზაურობა ჰყვარებია, ჩავკითხე პარიზზე, რა მოენონა ყველაზე მეტად იმ ქვეყანაში და სრულიად უბრალოდ, ცივად და მოკლედ მიპასუხა,

ონავარი, თარსიც კი (ილიმის) მამაზე თბილად საუბრობს, ამიტომაც ჩავკითხე, რატომ არ დარჩა პარიზში მასთან, მითუმეტეს, მამამ სთხოვა, რომ სასწავლებელში იქ ჩაებარებინა სამხატვრო განხრით. მხატვრობა თვით მამისთვისაც ოცნების საგანი იყო. შეილსაც მამისგან ერგო ეს ნიჭი და აშკარად იგრძნო, მამას ძლიერ სურდა, შვილის სახით დიდი და ცნობილი მხატვარი გაზრდილიყო.

შორენამ ამ მშვენიერ პერსპექტივაზე უარი თქვა. მისი პასუხი: ფესვებს ვერ მოვწყვი.

– რამე მოგონებებს ხომ არ გაგვიზიარებდი ბავშვობიდან?

– საოცარი ბავშვობა მქონდა, ისეთი, როგორიც თვით ჩემს ქვეყანას იმ პერიოდში.

– თქვენი ძლიერი მხარე?

– იუმორი, ბევრი ტკივილი იუმორით გადამაქვს.

– სხვას არაფერს დაამატებთ? თავს იქნევს და ეშმაკურად მიღიმის, თითქმის, არაფერს.

– რა არის თქვენთვის სამშობლო?

– მეორე გული. ასე ლაკონური პასუხებით მიშორებს თავიდან, აშკარად

მორაგბე

მინდა სამშობლო ვასახელო

ის, რუსთაველი მორაგბე ბორის სიხარულით ერთი კვირის წინ რომ გაფრინდა პარიზში, ყოველდღიური წვრთნისათვის ახლა უკვე სავარჯიშო მოედანზეა.

სპორტის ამ სახეობაზე ბავშვობიდან შეყვარებულმა, პირველად იმიტომაც დაინყო წვრთნა, რომ ჭარბი წონა დაეკლო. მიზანს მიაღწია გამძლეობითა და ნებისყოფით. რუსთაველის მორაგბეთა გუნდ „ხარებში“, უკვე ფორმაში ჩადგა და მომავლის წარმატებებზე გაითვალა ოცნებები. სამწუხაროდ, კოვიდმა მასაც მოუსწრო და კარგა ხნით მშობლიურ სოფელს მიაშურა. ჩოხატაურში სოფელ ერკეთში მყოფი, არ დაბნეულა, ძალიან ბევრს მუშაობდა და გამუდმებით ვარჯიშობდა. დედა, ხათუნა გორგაძე, მამა, გივი სიხარულით, დები – სოფო და სალომე – არა მხოლოდ გულშემატკივრობენ ძმას, არამედ ყველანი ერთად გამუდმებით უწყობენ ხელს. ბორისმა, რუსთაველი რომ ჩამოვიდა, კვლავ ინტენსიური ვარჯიში დაიწყო. ფიზიკური წვრთნისა და გაძლიერებისათვის საკუთარ თავს აიძულებდა, ყოველდღიურად იაღლუჯის მთაზე ასულიყო, ძალიან



დიდხანს ევარჯიშნა და სანიმუშო ფორმაში ჩამდგარიყო. კარგა ხანს მორაგბე გიორგი ჭინჭარაძესთანაც ვარჯიშობდა. გუნდში, პოზიცია მეორე ხაზზე-4-ე გაიარა და კაცთა

რაგბშიც გავიდა. მუდმივ მეთვალყურეობას და მეურვეობას ბიძები სოსო და დავით თოდრიები უწევდნენ. ახლა სწორედ მათი ფინანსური ხელშეწყობით წავიდა ბორი-

სი საფრანგეთში ქალაქ ნიცას მორაგბეთა გუნდში წვრთნისათვის, მას შემდეგ, რაც საფრანგეთის ლეგიონერების გუნდის მწვრთნელმა მისი მონაცემები ინტერნეტის საშუალებით კარგად შეისწავლა და დაინტერესდა კიდევ ამ ქართველი სპორტსმენით.

მეოცე სკოლადამთავრებული, სრულიად ახალგაზრდა, 19 წლის ბორისი საკუთარ თავში დაჯერებული და მიზანსწრაფულია. 1 მეტრი და 98 სმ სიმაღლე მისი ფიზიკური მონაცემია, რაც ბუნებრივია, ხელს უწყობს თამაშში, მაგრამ ეს არ არის მთავარი. იგი სულიერად ძლიერ მაღალი და გონიერი პიროვნებაა, კარგად აღზრდილი და თავისი ქალაქის ძლიერ მოსიყვარულე. ისიც სათქმელია, რომ ბორისი რელიგიური ახალგაზრდაა, მუდმივად დადის ღვთისმშობლის მიძინების ტაძარში, ყავს მოძღვარი და მიაჩნია, რომ ღვთის ნების გარეშე არაფერი ხდება. უზენაესის რწმენით წავიდა ევროპაშიც პრინციპული გადწყვეტილებით, რომ გახდეს იმგვარი მორაგბე, რომელიც სამშობლოს ასახელებს.

ცხოვრების საზრისად?

– უფლის გზაზე სიარული, მუდმივად სიკეთების კეთება და სამშობლოს კეთილდღეობაზე ზრუნვა.

– გულისწყვეტა... საქართველოს რომ ტოვებთ?

– ძალიან ძლიერი, მაგრამ გაგვიტანე ფსიქოლოგიური სტრესი, ვერ გამიგეს... დღეში 11-12 საათიანი ვარჯიშების შემდეგ ფსიქიკური ტრამვის მოშორება გამიადვილდა. წავალ, საკუთარ თავს ვეძიებ და ვიპოვი. ერთი რამ ვიცი, ღრმად ვარ დარწმუნებული, ისეთი მორაგბე გავხდები, რომ სამშობლო ვასახელო.

– ვიცი, რომ გყავს ახლო მეგობარი, ეკლესიური ძმა დათო ჭოველიძე.

– კი, ჩვენ ბავშვობიდან ერთად მოვდივართ, მე მას მეგობრად კი არა, ძმად მივიჩნევ, ჩემი მომავალი წარმატებები, ეჭვიც არ მეპარება, მისთვის ყველაზე სასიხარულო იქნება.


ლია მარტაშვილი

ახალი წიგნები

საინტერესო წიგნი ქართული წიგნიერი საზოგადოებისათვის

„წერლები ჩემი ბავშვობიდან“, ასე ქვია გიორგი კეკელიძის ახლახან გამოცემულ წიგნს, რომელიც გამოცემიდან გასაოცრად მოკლე დროში საწიგნო მაღაზიის თაროებიდან გაქრა. ძალიან მოკლედ ავტორის შესახებ: გიორგი კეკელიძე, პოეტი, პროზაიკოსი, ბელეტრისტი, სცენარისტი, უნივერსიტეტის ლექტორი, უამრავი საბიბლიოთეკო და ინტელექტუალური ორგანიზაციის დამაარსებელი საქართველოს სხვადასხვა რეგიონში, ძალიან აქტიური და მობილური პირი. წიგნი სახელწოდებით „გურულები“, რამდენიმე წლის წინ რომ გამოვიდა, თავისი თემატიკური პათოსით აშკარად მიაწვინებდა, ავტორის უსაზღვრო სიყვარულზე სამშობლოს მიმართ, კერძოდ კი საკუთარი ეთნიკური კუთხის, გურიისა და გურულების სიყვარულზე. წიგნს თვით ავტორის ასეთი წინამძღვარი ახლავს „ფრაგმენტული ფრაგმენტები 90-იანების საქართველოს კონსპექტიდან“, დიას ეს წიგნი ფაქტიურად დღიურებია, რომელიც სამუდამოდ დარჩა ავტორის მესხიერებას იმ სურვილით, რომ არასოდეს დაეკარგა. გამოცემის წინასიტყვაობა ლიტერატურისმცოდნე იაგო კაჭკაჭივილს ეკუთვნის, აქვე

არის მცირე შესავალი წერილი, რომლის ავტორი ქართველთა კოლორიტი ზურაბ შვედარდიაძეა. ამ ორივე ავტორის მიერ გიორგი კეკელიძის შემოქმედების მოკლე თუ ვრცელი დახასიათება ბევრს ნიშნავს მკითხველისათვის, რადგანაც მათი მოსაზრებების მთელი ნაკადი შესავალ წერილებში მართალი და უტყუარია. წიგნი ხელში ალებითა-ნავე ერთბაშად იკითხება. ერთი იმის გამო, რომ ავტორი უშუალო გულწრფელობით წერს საკუთარ ადამიანურ სისუსტეებზე, თავს გადაანახად უაღრესად ინტიმურ ეპიზოდზეც, თვითმკვლელობის ცდას რომ ეხება. მეორე, იმდენად არის მნიშვნელოვანი წიგნი, რამდენადაც ის იძლევა გურიის ეთნოგრაფიულ დახასიათებას, გურული იუმორითა და ამ კუთხის დიალექტით. მესამე, ეს არის წიგნი ჰუმანიზმზე, ადამიანების უსაზღვრო სიყვარულზე. ავტორისათვის ნაკლის მქონე და უნაკლო ადამიანები ერთნაირად ფასობს, მას ბავშვობიდან შეუყვარდა და უყვარს ისინი, რომლებიც წარუშლელ შთაბეჭდილებებს ასე საინტერესოდ უყალიბებდნენ შემოქმედს. ესე, ლიტერატურის ეს უანრი ავტორისაგან დიდ შემოქმედებით ძალისხმევას მოითხოვს, რომ მომცრო ამბავში ისე ჩატიოს ეპიზოდის დასაწყისი, მოქმედების განვითარება და დასასრული, რომ მკითხველს კითხვის ნიშნები აღარ დაუტოვოს. ნაიკითხეთ



გიორგი კეკელიძის ეს წიგნი და თავადაც მიხვდებით. ნიშანდობლივია და ალბათ შემოქმედებითი ინტრიგაც, რომ წიგნში ამბები სათაურების გარეშეა წარმოდგენილი, რაც ქმნის შთაბეჭდილებას, რომ ერთ მთლიან რომანს კითხულობთ. ძალიან საინტერესო მწერლური მიგნებებით, არაჩვეულებრივი პოეტური მეტაფორებით, დახვეწილი ქართული სამწერლო ფრაზოლოგიური ნყოფით, დასამახსოვრებელი კონტექსტებით – ყველაფერი ეს პირდაპირ თუ არაპირდაპირ ჩვენი უღამაზესი სამშობლოს დაფასებას და სიყვარულს გვასწავლის, ალგვაფროთოვანებს და ავტორისეულ დასკვნებსაც ხაზგასმით გვანვდის. „სცენები ქმნიან მესხიერებას“, დიას, სენტ ეგზიპერიუს უტყუარი მოსაზრებისა არ იყოს, ჩვენ ყველანი ჩვენი სიყმანვილიდან მოვიდვართ და ჩვენს სიცოცხლესაც ეს შთაბეჭდილებები კვებავენ. გიორგი კეკელიძის ამ ახალი წიგნის გაცნობით ძალიან ბევრს ისწავლის მკითხველი.

ლია მარტაშვილი

ცხოვრებისეული ათი რჩევა, რომლებიც არასოდეს არ უნდა დაივიწყო

- 1. წარსულს ვერ შეცვლი, იცხოვრე აწმყოში.
2. ზედმეტი არაფერი ვარგა და არც დაგიფასდება!
3. მეგობრების ხარისხი ეძებ და არა რაოდენობა!
4. ენდე, მაგრამ არა ბრმა! გიყვარდეს, მაგრამ არა ზედმეტად!
5. სიმართლის მტემელი არავის უყვარს!
6. ჭორიკანა ადამიანს ნუ მოუყვები შენზე ნურაფერს!
7. შენს ოჯახზე წინ არასოდეს არავინ დააყენო!
8. არავის იმედი იქონიოთ, საკუთარი თავის და უფლის გარდა!
9. ყველაფერი დროებითია ამ სამყაროში – ტკივილიც და ბედნიერებაც!
10. ადამიანის ბოლომდე გაცნობა არასოდეს მოინდომოთ, რადგან ბოლოს მაინც ისეთ რამეს აღმოაჩენ მასში, გული გეტკინება.

სიბრძნე, რომელიც უნდა გახსოვდეს:

- * საკითხავი ის კი არ არის, არის თუ არა სიცოცხლე გარდაცვალების შემდეგ, საკითხავი ის არის, ცოცხალი იყავი თუ არა გარდაცვალებამდე.
* არავის გასცე პასუხი, როცა გაბრაზებული ხარ. არავის არაფერი დაპირდე, როცა ბედნიერი ხარ. არაფერი არ გადანყვიტო, როცა მოწყენილი ხარ.
* როცა ფეხზე მყარად დგახარ, მეგობრები იგებენ, ვინ ხარ შენ! როცა ეცემი, შენ იგებ, ვინ არის შენი მეგობარი!
* თავი არავის დაამცირებინო, თორემ იცოდე, ადამიანები ეჩვენებენ იმას, რომ უფლებასაც აძლევ...
* ყოველთვის დაიცავი საკუთარი ღირსება და ნურასოდეს დაგნანება შენი ცხოვრებიდან იმ ადამიანის ამოშლა, ვინც პატივს არ გცემსო...
* ამ ცხოვრებაში ყველაფრის მოძებნა შეგიძლია, სიყვარულის და სიკვდილის გარდა. ისინი თვითონ მოგძებნიან, როცა ამის დრო მოვა.

განსხვავებები, რეკლამა, განსხვავებები


გაათარა ზაფხული ბრილად
ავტომანქანების კონდიციონერების შეკეთება და დატუმბვა
უმოკლეს დროში და მისაღებ ფასად!
ტელ: 551 56 12 12 გაგა

ავიჯის და ნივთიერების ტვირთის გადაზიდვა
საქართველოს ნებისმიერი მიმართულებით.
ტელ: 599 62 33 03

ვიბიკა მუხრანის გელა ფასი
გაფითი, რეკლამა,
ქარნალი, წიგნი,
ფორმების (ქსეროქსის)
ქალაქი
მისამართი:
მესხიშვილის მე-2 გასასვლელის №4-
თან (ავტოსადგომის ტერიტორია) 10-
დან 19 სთ-მდე ტელ: 579 808-818

რუსთავი იყიდება კაბინოვანი 3 ოთახიანი ბინა
ბინა აივანის ხარჯზე 4 ოთახიანად გადაკეთებული. მისამართი: ფალიაშვილის ქუჩა №16, ბინა 46, მე-4 სართული. ფართი 71 კვმ.
ბინა კუთხის მხრიდან გადაყურებს ეკლესიას და შემოსილია ხეებით. სამზარეულო და აბაზანა განწყობილია კაფელ-მეტლაქში და სრულადაა აღჭურვილი სათანადო ახალი კარადებით და ტექნიკით (გაზქურა, მაცივარი). საძინებელი ოთახები და ზალა დაკომპლექტებულია თანამედროვე ავეჯით. დამონტაჟებულია ცენტრალური გათბობა და გაგრილების სისტემა. ფანჯრები შეცვლილია მეტალოპლასტმასით, შესასვლელი კარი ლითონისაა. კედლებზე ტელევიზორი. ყველა ოთახშია დამონტაჟებული ლუსტრა.
ფასი: 70 ათასი დოლარი. ტელ: 598-99-19-55

რუსთავის მერია გასული საუკუნის 50-იან წლებში აშენებული კულტურის სახლის სრულ რესტავრაცია-რეაბილიტაციას ბეზმავს



რუსთავის მერია, კიდევ ერთი ისტორიული შენობის - გასული საუკუნის 50-იან წლებში აშენებული კულტურის სახლის სრულ რესტავრაცია-რეაბილიტაციას გეგმავს. პროექტირება უკვე დასრულებულია და სამუშაოების შემსრულებელი კომპანიის გამოსავლენად, ტენდერი მალე გამოცხადდება.

კულტურის სახლის რეაბილიტაციის პროექტის დეტალები, რუსთავის მერმა ნინო ლაცაბიძემ, საქართველოს პარლამენტის წევრებთან - ირაკლი შატაკიშვილთან და ალექსანდრე დალაქიშვილმა ერთად, სამუშაო ფორმატში ადგილზე განიხილა.

პროექტით, შენობის სრული რეაბილიტაციაა განსაზღვრული. განახლდება საკონცერტო დარბაზი, მოენწყობა გათბობა-გაგრილება-ვენტილაციის, გახმოვანების, განათების თანამედროვე სისტემა და სასცენო აპარატურა. სარემონტო სამუშაოები ჩატარდება შენობის შიდა ოთახებში, დაგეგმილია სახურავისა და ფასადის რეაბილიტაციაც. შენობის გარე პერიმეტრზე კი დეკორატიული ფილებით და მწვანე სივრცეებით კეთილმოწყობილი დასასვენებელი ზონა მოეწყობა.

კულტურის სახლის ისტორიული ნაგებობა, რომელიც 1948 წელსაა აშენებული, რესტავრაციის შემდეგ, ავთენტურობას შეინარჩუნებს.

პროექტის განხორციელების შემდეგ, უფუნქციოდ დარჩენილ ძველი საბჭოთა შენობის ადგილზე, თანამედროვე მუსიკალური ლაბორატორია შეიქმნება. პროექტი ცენტრალური და ადგილობრივი ბიუჯეტიდან დაფინანსდება.

